

永樂大典

卷一萬九千七百

三十八

永樂大典卷之一萬九千七百三十八 一屋

錄 沙門灌頂國清百錄二

沙門灌頂國清百錄五屬真觀惠裴二法師兼是并湘水王前拜門下觀
 大湘江左右石壁重十七 靜惠和南更雪寒重願禮懺不通仰疲勞
 子眩恍無理真觀法師願得入山攝慮禪寂今以彼書仰呈裴公又正來
 裝侍小晴通使當就路但觀公非唯美解又誦法華既明慧燈方澄定水
 仰惟開梨德俾安遠道邁光猷邀適傾心振錫雲聚超像法於將墜以救
 昏蒙顯慧日之餘光用拯澆俗兼孔山陰舍良田以供耕墾姚實安捨淨
 財以給菹菜禪堂行就修繕粮廩不慮闕無諸善因緣亦各隨喜弟子力
 薄竭誠供養願勿以資待權意徒展為憂憑茲福業庶違煩勞藉此熏修
 冀荷冥祐弟子陳靜惠和南 王送經像入天台 金銅生像一軀涅槃
 經一部 燭一百挺 大幡二十張 絹一百疋 淨人白帛 淨人阿
 甘 右牒沈儀同請疏 儀同公菩薩戒弟子吳興沈君理和南竊聞大
 乘者大士之所乘也高廣普運直至道場復作四依周旋六道仰惟德厚

永樂大典卷之一萬九千七百三十八

深會經文於五誓之初請開法華題一夏內仍就剎釋道俗咸瞻延佇嘉
 唱慈悲利益不違本誓耳謹和南 陳左僕射徐陵書最多門人競將去
 追尋止得三紙 陵和南昨預沈儀同法席餐未甘露無畏之吼象成師
 伏然正法炬朗諸木悟自慶餘年得逢妙說尋事誌展此不申心謹和南
 陵和南注仰之心難可數具拔公至蒙三月二十日旨用慰積歲傾心
 參冷體中何如願一日康勝山中春夏無餘障惱耳遲復存首弟子二三
 年亦溘然老至眼耳聾閉心氣昏塞故非復在人兼去歲弟六兒天喪痛
 苦成疾由未除愈適今月中又有表故頻歲如此窮慮轉深自念餘生無
 復能幾無由禮接係仰何言敬重舉公金還白書不次弟子徐陵和南
 陵和南放生呈聞公家極相隨喜事是拔公口具謹不多誌唯遵拔公足
 出數百里水全其命根如此功德算數無盡隨喜無量此不妄語弟子徐
 陵和南 陳徐陵五願上智者禪師 陵和南弟子思出樊籠無由羽化
 既善微弱冀願力莊嚴 一願臨終正念成就 二願不更地獄三途
 三願即還人中不高不下處託生 四願重真出家如法奉戒 五願不
 墮流俗之僧憑此誓心以某西暮今書丹款仰乞證明陵和南陳吏部尚
 書毛喜書 累年仰系不易可言承今夏在石像行道欣羨無極又聞欲

於天台管道場當在夏竟耳。學徒遠近歸休者理應轉多安心林野法喜
自娛禪講不報耳四十二字門今附雖留多時讀竟不解無因語訪焉恨
轉積南嶽亦時有信照禪師在嶽嶺徒眾不異大師。在時善公於山講釋
論彼亦色邊望運綱維大法不者時鐘嶺攝山亦是棲心之處何必通遠
方詣道場希勿忘京師遠地之人豈知迴向傾心無時不積未因接顏色
東望敬滿敬德信人今返白書不具弟子毛喜和南弟子諸弟及兄弟等悉
蒙平安弟三任都陽郡弟二為豫章王司馬弟四大延鄉弟五入閣任度
支郎大兒由在東宮為中書舍人仰蒙垂顧以大善知識大同學報復速
證。喜次書秋色尚熱道體何如禪裡無乃損德弟子老病相仍湯藥無
效兼不得自開轉有因滿仰承移住佛龍永忍不復接顏色悲慨但深仰
惟本以曠濟為業獨守空巖更恐違菩薩普救之旨近與徐丹陽諸善知
識共詳量等是一山鐘嶺天台亦何分別必希善加三思不滯於彼我京
師彌可古師一二因拔師口具其開願救道德弟子毛喜和南喜次書
適奉南嶽信山泉平安弟子有答具述甲乙復信來當有音外也今奉寄
牋香二斤 熏陸香二斤 檳榔三百子 不能得多亦表心勿責也弟
子毛喜和南喜次書慶講 今者仰餐教說訓往輝然道俗嗟味般若照

永樂大典卷一萬九千七百八

二

明豈是拙辭所能稱述弟子毛喜和南 天台山脩禪寺智顛禪師放生
碑并序二十二陳通直散騎常侍國子祭酒東海徐孝克撰夫太易無體
品類所以成亨太一無名至人於是設教仰觀俯法遠取旁求兼三以才
吹萬維物建官台鉉則五嶽作鎮辨方伯牧故四瀆分流闕伊闕覽八埏
鑿龍門陔九澤播厥習險因之以利民相生卜洛樹之以君長坎之時用
大矣哉我皇帝作聖敬禪乘圖御錄無為無欲道契汾陽垂拱垂衣德隆
至治辰象貞明管及合序方外無虞海內有。被風雅於華戎威雅熙於
曩代巍巍乎難得而稱者也至如先啓法武崇敷道樹化彰十善弘濟四
生 天台脩禪寺智顛禪師疏練自居苦節行矣兼揚皇風總持像委禪
師俗姓陳氏潁川人也乃有媽之後馬四友驚座遊聽多美六奇列爵世
載其賢祖詮早世父起祖染使持節散騎常侍益 陽縣開國侯禪師重
具出家聽教易悟寓居荆峽遊化幽并自北徂南兼行禪智禹穴將探台
山是卜白雞路出青龍巖開翠桂結宇蕭然甜止林文五柳既韻辨檀之
氣塔現三層終懸水精之色雲崖天樂不鼓自鳴石室金容無形留影秀
廣巖峯浪洑浩瀚洪濤靈氣遠苞空巨壑喬松千雲翳日翔集飛走盡
育珍怪地中藏玉觀曲枝而易辨洲內沉珠見負流而可別神通開士如

永樂大典 卷一九七三

意桑門振錫兜來騰空舞鉢受丹仙容光惠水而時來避官真人乘迴風
而迥至厥土宏灑靈識斯在禪師福慧基磁聲光利益宜猛將軍臨海內
史計尚兒子勲之曾世顯方術實乘登仙間于昔漢剖符作守即此明時
請轉法輪講金光明經一部前雲騎將軍臨海內史陳思展及其猶子陳
要卿等即土人也戎章衣繡優秩家邦奉出禪師次講法華經典白牙
團扇初開律藏之門玉柄塵尾傍開經王之偈繫珠始訓親友醉除夢
鼓將鳴梵魔祛遺因過雙明誠勸廣辨殃福尚兒仍獎論滉主嚴續祖手
公質等群賢凡百君子信誓斯立丹誠恪勤白業諧辯嗟如業之往累歎
鉤傑之來緣各捨滄業及魚梁等合六十三所二緣樹下縣唱善哉五句
塵上逆聞憐指巨海無際一時清溢衆生無邊同荷安快掌擊世界未學
難思手把虛空非名布有桂陽王殿下皇枝之貴應憇問平情崇孔釋吐
懸河之旨擊即澄明示半月之形深心隨喜五侯三傑曾不問然黃髮青
衿咸同踊躍藏諸篆素青編落簡掛以貞碑聲芳靡絕假今山止海運惠
施之美猶傳龜吉筮凶錫勒之功無毀孝克才愨十倍學墮三餘秋苑春
猶久捐祭散書紳畫地曾何圖寓雖復張池並黑寧擬妙辭峴石徒刊非
能墜淚仰熏心之上善羨山水之清音寸志片言乃為銘曰 設位觀像

水樂大典卷九十七百五十八

三

剖極開潭蕩蕩為大蒼蒼以尊青川液清地脉何源導躡咨焉蓋取維軒
嗟乎坎德至矣坤元溥風樂土君臨御寓明明孝治務務聖王道冠當今
功高前古慶協嘉瑞美均擘樹仁沾動植澤及遐宇釋種高族牙資款款
匪慕分主歸心染服辭彼緣慮言旋幽谷志託松筠形隨喬木七覺善誘
五禪清肅無遠弗屆無思不服將軍拜半肩印銷罪淑女良夫民業珍贖
靡庶十明寧遠百倍不見所欲忘懷無待各捨貨泉同成佛海決濟冥蒙
瞻眺唯空屏所送兩列于揚風鯨鱗以此極外之東遠水街日曾波駕蓮
地上之比山下之蒙涇清渭濁朝宗會同天台維耶林泉擁肩頂列三晨
峯危九折瀑布高瀉神狀殊潔響若奔雷皎如素雪時隆冬而不凝歲炎
早而無竭石橋香邀展暉映徹仰止青霄俯臨丹穴鳥路雲通人迹徑馳
渤澥難違含情沂沿漱漱炭炭萬萬千千鼓照掉尾相望自然薜網無掛
任鈞不牽歌耕靜按響俎停殳行滿茶大弘生為最斷樹誠規翳笑斯誠
喻恭靈鶴我康神恭隨感明珠于期軒蓋嘉會信微潛騰是賴逝矣虞淵
波瀾易遠高岸深谷蓬海桑田石餘幾拂芥盡何年大地將隕須彌洞然
風傾金除火及初禪倚殿水性報轉常圓 隋高祖大皇帝教三十二皇
帝教開光宅寺智顛禪師狀於佛教教信情重住者周文之時毀壞佛法

永樂大典

卷一九七三

發心立願必許護持及受命於天仍即興復仰憑神力法輪重轉十方眾
 生俱獲利益此以有陳官亂殘暴東南百姓勞役不勝其苦故命將出師
 為民除害吳越之地今得廓清道俗又安深稱朕意朕尊崇正法救濟蒼
 生欲令福田永存津梁無極師既已離世網修已化人必希獎進僧伍固
 守禁戒使見者欽服聞即土善方副大道之心是為出家之業若身從道
 服心染俗塵非直舍生之類無所歸依抑恐妙法之門更未誘進宜相勸
 勵以同朕心春日漸暄道體如宜也 開皇十年正月十六日內史令安
 平公臣李德林宣內史侍郎武安子臣李元操奉內史舍人裴矩行 奏
 孝王書 二十 冬暮寒切道體何如法務勤早有以勞念安州方等寺
 奉為皇帝修立屈法師向彼行道甚不可言已今所司發遣供給願以熏
 修為懷不憚利涉之道深敬德道白不具弟子楊俊和南十二月十七日
 奏孝王次書 二十二 頃仰每深甚熱禪師道體何如修習不乃勞心也
 夫由有展金結良深願珍德道白不具弟子楊俊和南五月十九日奉施
 沉香等如別至願檢領 沉香十斤 臘香十斤 熏陸少許 右牒薄
 申供養 晉王初修書 二十四 金風御節玉露調時道體体和安樂行
 不法師抗志名山棲心慧定法門靜悅戒行熏修籍甚徽猷久承音德欽

永樂大典卷一九七三

四

風已積味道為勞冀託舟航用披雲霧故遣使人往彼延屈希能輕舉以
 沃虛金佇望來儀不乖春意也弟子楊廣和南 王治禪眾寺書 二十五
 深具謙挹之首但高人遊處觸地是安然法宇僧坊須盡嚴正經云四
 事供養一不可虧已勒有司修葺願忘懷受施也弟子楊廣和南 王受
 菩薩戒疏 三十六 使持節上柱國太尉公揚州總管諸軍事揚州刺史
 晉王弟子楊廣稽首奉請十方三世諸佛本師釋迦如來當降此土補處
 彌勒一切尊經無量法寶初心以上金剛以降諸尊大權摩訶薩埵辟支
 緣覺獨脫明悟二十七賢聖他心道眼乃至三有最頂十八梵王六欲天
 子帝釋天主四天王天仙龍神飛騰隱顯任持世界作大利益守塔衛
 法防身護命護淨戒無量善神咸願一念之頃承佛神力俱會道場證明弟
 子普願攝受弟子功德竊以識暗萌興即如來性無明俯墜本有未彰理
 數斯歸物極則反欲顯當果必積于因是謂御世雄備歷生死草木為壽
 不可勝計恒沙集起固難思議深染塵勞方能厭離法王啟運本化菩薩
 譬如日出光臨高山隨進報宜權為方便如彼眾流咸宗大海弟子基承
 積善生在皇家庭訓早趨胎教夙漸福理攸鍾妙機須悟耽崎峴於小選
 希優遊於大乘嘆止息於化城誓舟航於彼岸但聞士萬行戒善為先

薩十受專持最上瑜造宮室必用基趾徒築空終不成立佛捨屠 打
 入間之孔老釋門咸資鎔鑄不有執儀孰將安仰誠復釋迦能仁本為和
 尚大殊師利冥作開裂而必藉人師顯傳聖授自近之遠感而遂通薩陀
 波喻登隨於無竭善財童子忘身於法界經有明文敢為臆說深信佛語
 奉遵明導天台智顛禪師佛法龍象童真出家戒珠因淨年將耳順定水
 淵澄因靜發慧安無礙辯先物後已謙挹風名稱音聞眾所知識弟子
 所以虔誠遺注命職遠延每畏緣差值諸留難亦既至止心路豁然及披
 雲霧即銷煩惱謹以今開皇十一年十一月二十三日總管金城設十僧
 蘇飯敬屈禪師授菩薩戒成名為孝亦名制止方便智度師親奉極以此
 勝福奉資至尊皇后作大莊嚴同如來慈普諸佛愛等視四生猶如一子
 弟子即日種羅眼業生生世世還生佛家如日月燈明之八王子如大通
 智勝十六沙彌眷屬因緣法成等侶俱出有流到無為地平均六度恬和
 四等眾生無盡度脫不窮結僧那於始心終大悲以赴難博遠如法界究
 竟若虛空具足成就皆滿願海揚廣和南 王觀戒師衣物等 聖種納
 袈裟一緣 黃紋舍勒一腰 綿三十屯 鬱泥南布袈裟一緣 黃絲
 布襪一具 絹四十疋 鬱泥絲布偏但一領 黃紬卧褥一領 布三

永樂齋卷一萬九千七百零八

十禪 鬱泥絲布坐褥一具 烏紗蚊情一張 紙二百張 鬱泥絲布
 方裙一腰 紫緹靴一量 錢五十貫 鬱泥雲龍綾被一緣 龍鬚席
 一領 蠟燭十挺 鬱泥羅頭帽一領 須彌檀一領 銅硯一面 高
 麗青生布一具 鳥皮履一量 墨二挺 黃絲布背襦一領 南榴枕
 一枚 和香一合 鐵錫杖一柄 象牙管一管 塵尾一柄 烏
 油鐵鉢一口 并茶 斑竹筆二管 銅匙筋一具 犀角如意一柄 并匣
 白檀曲几一枚 銅重盆三口 鑰石香爐奩一具 山水繩牀一張
 銅掛帶一口 銅香火匙筋一具 白檀支頰一枚 銅澡灌一口
 楠榴夾膝一枚 挑竹蠅拂一柄 鐵剪刀一口 楠杉木案并褥
 犀裝瓜刀一口 鐵剃刀一口 黃絲布隱囊一枚 紫檀巾箱一具
 鐵鑪子一具 白瓦唾壺一口 并瓶十 心筆格一枚 銅燭檠一具
 鑰石裝枰心經格一具 犀裝書刀一口 白團扇一柄 師嚴教尊 并
 四字八 喜捨供養 并四字龍 習惱餘氣 并四字慈針 緣覺便斷 并
 四字壽康 咸登常樂 并四字龍白 豈如菩薩 并四字例麻 能施所
 受 并四字魚 聲聞是證 并四字科斗 戒定慧滿 并四字多 苦集滅
 道 并四字八 教皮屏風一具 八家龍魚科斗 并四字壽康 例麻等書淨

人善心年十一 右牒開皇十一年十一月二十三日王業成名總持善
薩書疏二十七即用法律弟子總持和南 柳願言還未肯垂示六種捨
施及留受用弟子一日恭觀猶以陋薄不稱宿心來肯既以轉施功德彌
為增上悲敬福田深是平等固非 所能周見事事仰依其所留者既以
不多 留受用肯遣報諮和南 王 書二十八 弟子總持和南履
長戒底在俗成慶伏惟吐納禪慧興時休和弟子業文以來粗堪靜攝謹
遣參承謹和南 王請謁書二十九 弟子總持和南爰遠來誨須往荆
楚辭致首尾仰具高懷但祇稟淨戒事成南宿昔凝滯匪違諮決關
和尚經稱勝田種子雖我嘉苗未植方用心形永伸供養庶憑善誘日灑
塵勞凡厥共緣依止有地斯亦舟航兼運利益弘多如來化導何必止還
天竺菩薩應變本無定方深願坦然以虛受物遲延展禮而當諮遊謹和
南開府柳願言宣口教云智者為當長去更有還期弟子意不欲相去違
違脫能旋迴不敢留停鎮下近山隨樂住止又欲奉留待二月十八日同
度延陵鎮仍共至棲霞履行於彼送別 王重留書三十 弟子總持和
南連旨須取明二日垂別修復未周便深傾軼弟子前昨晝夜熱更惟忖
智者至此以來未經一夏兼荆潭路遠安居將促江波浩蕩行程難期既

去此處又不至前所半途結夏投止亦難又按經律一夏供養安居僧福
田無量况乎師道及大眾力凡大淺薄本資勝緣菩薩大慈須定應供養
春行謝首夏向臻九旬忽連四事虛棄修心與理於情匪安今欲仰留度
夏發遣冀不半途飄露疑已下喧湫須休林壑安居攝山亦當為使若
法歲將滿預勸蔣州裝船南出石頭西浮彌易既乘與節因得順風去留
之宜事理咸會此間彼處仰聽擇一意不可盡辭豈多宣謹和南三月一
日 王許行書 弟子總持和南復遠今肯欲遂前心功德因緣豈敢違
忤謹遵宿願即命所司發遣發日離展仰聽詳擇庶解夏非違秋水乘流
賜答來期必當無異用茲歡喜以躡悲敬謹和南 蔣州僧論毀寺書
奉誠寺慧文龍光寺法今光宅寺智勝寺稽首和南伏見使人貴符疎請
空寺若如即目所覩企之與破及有僧無僧毀除不少伏惟大王菩薩植
信崇明興建三尊慈仁化物豈不弘護佛法留心塔寺但此處僧徒思見
毀廢咸懷憂恐大王雖照同朝日而聖道高遠眾情傾仰無因闕徹伏惟
智者禪師道俗歸止有所言勸慈善為先文等不撥庸微馳來奉告必願
運大慈悲垂為中達冀未壞之寺庶得安全取藉護持報此祈仰謹和南
開皇十二年二月八日 述毀寺書 今獲蔣州奉誠寺慧文律師書教

呈如剝仰惟匡持三寶行菩薩慈近年寇賊交橫寺塔燒燼仰來大九建
立將危遂使佛法安全道俗蒙賴收拾經像處處流通誦德盈衢恩滿
路昔居戎在陳尚得存心况息武興文方應光顯至如慧文所述揚別如
藍必由在所官人多生僻解致令外僧惶惑憂懼不寧貧道常念無堪
當知識若論愛惜形命豈敢言忤公門特是佛法相開亦由香火事大意
之所為唯憂冥道寧忘即日之身必存未未之義若不迷愚心則虛雷四
事復乖三輪香火是何人乎是所官司唯怖事辦生慮因果將
來善惡耶當願聖德尊嚴履萬安之路福祿隆重高而不危修菩薩行
梁佛法瞻聖三寶淨軍四海風芳萬代若謂寺多州少國或不聽方便
權仰由安立若須營造治菁城隍江南竹木之鄉採伐獨易仰希弘祖提
拔將沉故寺若存新福更長冀蒙於允幽顯沾恩法事仰于追深愧踏沙
門某敬白三月十一日 王谷弟子總持和南爰達高青騰蔣州僧所及
竊以僧居望刹食惟分衛所立精舍本依聚落近年奉詔傳征帛民戍罪
江東混一海內人寧塔安其堵市不易業斯亦智者備所明見而忘數頑
民不慚悚土有苗恃險敢恣螳螂橫使寺塔焚燒如比屋流散鐘梵報響
難大不聞廢寺同於火宅持鉢略成空運僧衆無依實可傷歎彼地福盡

永樂大典卷九千七百零八

七

方成丘墟所餘堂塔本不壞毀其有現僧亦許房住唯虛廊撥宇會當倒
壓所以移來還充寺館其外椽版權借募城若空寺步廊有完全者亦貸
為府解須一二年間民力展息即於上江結筏以新副故本勒所司具條
孔目無慮零漏恐速僧未能曲見頓用仰誣必願言提冥諸其掌張延滿
禮煉側良深謹和南 述匡山寺書 江州匡山求林寺者東晉廬門慧
遠法師之所創也遠是彌天釋道安之高足安是大和尚佛圖澄之弟子
三德相承如日月星真佛法梁棟皆不可思議人也而遠內闕半滿外善
三玄德布遐方聲高霄漢初詣山足依止一林共耶舍禪師頭陀其下若
說若默脩西方觀末於林右建立伽藍因為名求林之寺遠自創教若
佛影二臺謝靈運穿鑿流池三所梁孝元構造重閣莊嚴寺宇即日宛然
峯頂寺者是齊慧景禪師感山人延請因棲其峯次梁慧歸在後登嶺方
建伽藍峯有水泉忽然枯涸歸燒香呪願清流盈滿天降甘露於泥洹日
是以先德名蹤垂芳不斷松霞清曠觸處蕭條公私往還莫不歸向自大
化江左貧道因至彼山憇泊來林時遊峯頂以歲為日美觀忘勞然山下
伽藍偏近驛道行人歸去頗成洗雜今奉請為兩寺檀越庶藉影響衆得
安心禮誦虔誠用酌洪澤并乞勒彼所由永禁公私傳汨沙門某敬白

永樂大典

卷一九七三八

王咨 弟子總持和南奉旨今日齊竟即事登舟略阻方遙隔以傾欹垂示法
 並為擅越主山嶺盤秀下屬江湖香爐層峯上虧雲日仙人之所處止隱
 倫於焉不歸况乎慧遠法師勝依結構謝客無穿池重閣景師息心神
 應峯頂智者慈歷踵武前賢師嚴道尊實深隨喜所恨寡薄無益將來庶
 藉熏修方證常樂兼陳二寺偏近驛道行人往來頗成混雜須勒彼州今
 去公私使命不得停止即付所司休事頌下謹和南三月一日 王書與
 匡山三寺極體法師道體何如眾內咸宜也屬門遠法師四休善蔭翻飛
 朔野棲息南山息思以後名德相繼智者見今為寺擅越願修寡薄非敢
 克當獎導既引良深隨喜敬德指此承問 揚廣和南三月二十一日與
 禪閣寺書春序將謝道體何如僧眾清善匡山佛寺興自慧遠法師法師
 師於彌天道安安師於佛圓澄妙德相承莫之為最江東龍藏悉本屬門
 屬門上人創造虛阜自梁及晉止有東林陳晚洗滌別生禪閣僧徒好異
 宣稱至和智者爰居還須合一想均願海更無異味行人將送過指此相
 間揚廣和南三月二十一日 與峯頂寺書 暮春暄和寺眾清勝禪悅
 法喜致足恬懷鐘峯香氣煙霞共遠智者經託勝地為在總內今為擅越
 誠深隨喜更追厚愧善當敬勗揚廣和南三月二十一日 王謝法門書

永樂大典卷一九七三八

八

弟子總持和南奉旨今日齊竟即事登舟略阻方遙隔以傾欹垂示法
 相雖文音淵蹟源本難尋而教門方便開悟易益恭承善誘永以受持庶
 藉津梁得無退轉自朕膺至道每沾弘護將事遵途復降良藥沐浴慈被
 伏用悽荷謹和南 王遣使往匡山參書 弟子總持和南親信傳仲說
 還逮去月朔告用尉延結熱猶熾願道體休和仰承經過攝山鍾岫寺塔
 安善徒眾和肅仍留二十僧雜傳問善進至匡嶽結夏安居東林禪閣還
 為一寺峯頂精舍復皆隨喜敬緣勸發獲此熏修用轉身因方流法雨金
 光明福喜荷攝深弟子去月十四日始度朱方風土異宜流金在野攝衛
 多不調適每有者然二十九日未石頭稍已平復自江浦連營馳情彭處
 以日為歲無時暫忘願未解夏前預整裝束法歲若滿即事西浮彼間酬
 願務令在促非但弟子蔽識希護周爰深恐祥慧學徒咸思鑽仰宜尼在
 陳致款自衛使歸屈道紆情事非為已今遣主簿王灌指往祇承并貢別
 膳用忘存著敢略繫辭謹和南七月一日 去衣六件 鹽一百斛 米
 一百斛 右件其鹽米悉出江州正倉王灌賫合魚州送王重書 弟子
 總持和南東林山寺使至逮八月八日海用慰馳結仰承已往衡山至當
 稍久法緣若竟願即沿流冀在歲陰必期展覲弟子渡江還去月初移新

住多有造次未善安立未肯勗以法事實用慈休始於所居外援建立慈
 日道場安置照禪師以下江陵論法師亦已遠至於內援建立法雲道場
 安置潭州覺禪師已下即建深善報以諮知仰承相次為營功德深荷扶
 助難用遠陳而發此至江州遂下請僧料云何能得相資前施鹽米其米
 題入東林鹽以上路盈長之外乃可別營功德今山僧返路行用仰酬尋
 別遣使迎延願預整歸計江山遠莫盡成曲謹和南十月十日 王遣
 使潭州迎書 弟子總持和南歲辛云暮寒氣殊重禪悅經行願常安樂
 弟子頃來每多勞疾但賸親稍久唯用傾結仰度所營功德已當究竟今
 遣左親信伏達奉迎願便事沿流延遲諸具謹和南十一月十五日 王
 遣使荆州迎書 弟子總持和南暄和道體勝念仰撥衛撤法師久當圓
 滿江陵功德復應成就隨喜之至難用勝言弟子今入朝親行次陝州馳
 仰之誠與時而積故遣使人迎候希使進道未月下旬唯遲抵接路首忘
 促宜復安宣謹和南二月二十二日 王於長安遣書 弟子總持和南
 遠移此馳誠載勞兼事入朝彌增延屬武關雖阻荆近於吳是以暫停陝
 州遣使承接行人送命其奉觀護非惟年尊疾動又已結夏安居理事相
 推固須停止弟子還鎮非久使願沿流仰會江都庶應旦夕將聖德果亦

永樂大典卷九千七百八

九

復差機因緣多端請不勞慮謹和南九月十日 弟子總持和南僧使却
 還來奉五月二日海用慰馳結仰承衛撤功德圓滿便致荆岳履涉虧和
 深以傾懷弟子於江都入朝至陝關賸稍停以陽腹內人不調適去月未
 還京華如欲相承猶自羸薄未即祇親望雲延願珍納行人今送辭宣宜
 具謹和南 弟子總持和南奉旨於荆州當陽縣境玉泉山陞為建道伽
 藍招提行道園寫地形具以賜示伏以布金偏地買園建立奉置三尊永
 流萬代唱誦所不能讚算數所不能量孰意輕微頓蒙創造循復來肯興
 然失履既事出神心理生望表無容違拒苟作形迹即具聞奏嘉號乃車
 名符天冠道場聲滿恒沙世界福報仰歸遊辭難涉謹和南 弟子總持
 和南奉旨今撰衛撤禪師碑文郭有道之無愧辭高德道此陸士衡之披
 文想贊弟子多慚既蒙獎成不剋勵邯鄲絕妙深恐難工還鎮病瘵庶或
 勉強循覽行狀用難思議佛澄道安寧復過是和南 弟子總持和南奉
 賜萬春樹皮袈裟一緣述是梁武帝時外國唯獻四領今餘一而是建初
 烏瓊法師所披護尋菩薩成稱所著袈裟皆染使珠色况復自然嘉樹妙
 彩天成相應之言無勞外傲萬春表長生之稱二其合善譬之辭水服周
 旋恒充布薩常事十月宜唯元日著如來衣深荷慈獎謹和南 弟子總持

和南率施別牒五彩幡錦香爐檀等十種示表微誠薄中法貶勤阻追休
謹和南五色四十九尺幡二張五色班羅經中二枚。絹五十疋。錦香
爐檀十張。熏陸香二斤。剃刀十口。鷄納袈裟一領。油鐵鉢十口。
雄黃七斤。青須彌毬五領。右牒文呈帝教。給荊州玉泉寺額皇帝
敬問修禪寺知顯禪師省書具至意孟秋餘熱道體何如熏修禪悅有以
怡慰所須寺名額今依朱請智選師還指宜往意。開皇十三年七月二十
三日。兼內史令蜀王臣秀宣內史侍郎武安子臣季元慘。兼內史令
人長坦男臣鄭子良行。王在京遣書。弟子總持和南仰述已久。馳係
實深獻歲非遙傾逢度禮暮春屆節當逢來候謹和南九月二十四日。
王在京重遣。弟子總持和南通達近旨用慰馳情。春暄願道體康勝。玉
泉創立道場嚴整禪眾歸集靜慧日新隨喜之深難以辭論。弟子始服三
石散竟調息勞心秋仲歸蕃請夏訖訖下在於拜觀。差當匪奢其間珍德
今遣統軍曹子舉往祇承謹和南。王從駕東岱於路書。弟子總持和
南仲秋轉冷仰惟道體康念弟子即日粗可行未由虔禮。但增延結願珍
德謹遣修承謹和南於路次書。總持和南寒氣漸嚴。仰惟康豫。動寂怡
神與居安悅。弟子陪奉鑿駕旅次長奉遠憑勝力。行往安隱。瞻言祇覲。庶

永樂大典卷九千七百八

十

或匪遙願珍重此不宣具謹和南十月十九日。王還蕃遣迎書。弟子
總持和南獻歲春明仰惟道體康豫禪悅法喜辰歲集業功歸有在。慈由
明導敬憶江都暫欲西上先到衡嶽用賽師恩次往清宮以報生處。茂承
此旨銜送大江陽子臨流。具中來請即蒙開許。還至觀濤。年來歲往。寒暑
屢變。恭聞功德圓滿。遂難。弟子多幸生在佛家。過庭所聞。匪直詩禮。
轉輸。漸奉實。惟且暮。今者陪危鑿。就發自京。歸言。停洛陽。又止。歷下。柴下。
望之。禮本自虞。書。巡會之聲。感於。姬典。至尊。憲章。先古。九叶人神。相風。指
南。奉朝。來。岱。以。今。月。十一日。言。辰。宗。事。云。畢。于。時。天。地。載。廓。日。月。增。華。休
氣。神。光。燭。近。被。遠。靈。芝。繞。吐。山。谷。連。木。並。秀。官。壇。瘳。瘳。雙。之。後。無。暨。而
自。今。愈。扶。老。携。幼。之。侶。不。謀。而。同。到。臣。子。殫。見。事。非。虛。飾。一。物。得。所。萬。里
斯。應。師。資。至。重。敢。不。稍。同。弟。子。從。梵。著。即。辭。行。所。夾。鐘。將。未。必。屆。揚。州。今
遣。奉。迎。使。願。洽。下。餘。春。未。盡。必。希。拜。覲。其。間。珍。德。續。復。祇。承。謹。和。南。正。月
二十日。王謝天冠。仍請淨名。義疏。總持和南前。撰。菩薩。天冠。率。爾。武。之
樣。深。嫌。不。工。即。用。呈。簡。爰。速。令。製。思。出。神。檢。圖。此。目。連。妙。道。耶。區。開。士。五
明。此。居。其。一。金。剛。種。智。為。標。萬。是。智。因。地。化。物。不。可。思。議。接。引。隨。方。多
能。盡。達。冠。尊。於。身。端。嚴。稱。首。疏。承。頂。戴。覽。鏡。徘徊。有。飾。陋。容。增。華。改。觀。弟

于多幸謬蒙師資無量劫來悉憑開悟色心無作觸仰勝緣度脫舟航何
慮不果但成爲基趾信實行先保解毗尼昔年度受身雖疎漏心護明珠
而定品禪杖屏散跡靜猥以凡薄荷國鎮養爲子爲臣難虧難急豈藉四
緣能入三昧此非臆斷實荷誠說經稱非禪不智非智不禪定解相資能
證無漏又電光斷結其例甚多慧解脫人厥朋不少即日欲服膺智斷率
先名教永沈去流兼同治國未知底滯可開化不拜嚴道遵可降意不霜
世根淺可發萌不善薩應職可返時不若未堪教化且暫息緣如可津梁
便問祕藏書云民生在三事之如一況弄釋典而不從師今之憐言備滯
素款成就事重請 素飾辭謹和南六月二十一日 荅爰遠累翰狀動
至法匠大行善止度一身仁王弘道舍生荷願蓋登地菩薩應生大家所
以發心興隆大道曷可量也孰可比哉貧道山僧本懷風至於天台舊展
古念無捨庶因世境安樂更待寄趾幽林仰爲行道非唯城邑近歲謬承
人汎擬迹師資顧此疎蔽以非時許況聖澤日隆復垂今命省諸庸鄙彌
匪克堪貧道稟承師教禪慧願持耳去眼流如華上水採聽經論其功既
淺頓荷禪門憑定修習比於專學數論區分理乃弗違業幸至熟自非如
來明達種智高圓檀林殊能誰肯雙揖泥乎去聖滋遠既悟甚微徒欲承

永樂大典卷九千七百八

二

恩懼平深寄有招幽譴兼虧聖德持願更迴神慮別俟勝賢妙果若因使
無斷絕經稱一句染神歷劫不朽大智慧海信爲能入固知深解大乘佛
法久住功德易滿智慧最高守質抱愚仰希聽覽徒中庸俚終不自宣沙
門某白王重請書上十 弟子總持和南仰遠還音猶來謙專循復人之
悅如自失共功以學貴承師事推物論歷求法界緣厝心有在若習毗曇
則滯有情著若修三論入空過甚成實雖復兼舉猶帶小乘釋論地持
但通一經之旨如使次第偏修僧家尚難盡備况居俗而欲無崖當今數
論法師無過此地但恨不因禪發多起評心達者無違求那明偈仰惟厚
習善根非一生得初乃由學俄達聖境南嶽禪師親所記蒞說法第一無
以仰過照禪師來具述此事于時心喜已域寸誠智者昔入陳朝彼國明
式无官大集衆論鋒起衆公強口先被折角兩瓊繼執裁獲文綏忍師攢
此唯唱希有弟子仰延之始使事勝集屈登無畏釋難如流親所聽聞奉
威瞻仰適承前往荆楚講法華經舊學名僧莫不歸服故知非禪不智驗
乎金口此間名僧所說智者融會盡有階差譬若群流歸于大海此之包
舉始得佛意弟子即日而不休請譬彼彌勒今當問誰唯願未得今得未
度今度樂說無窮法施無盡復使願言稽首虔拜謹和南六月二十五日

永樂大典

卷一九七三九

題而錄後序 智者道傳三觀存乎一家之書而德化兩朝章安紀請
 百錄觀其始立制法以肅內衆中以勳王臣後論放生以安昆蟲之類
 昭昭乎廣大之化環如日星所謂光宅天下者也章安序云貽示後昆知
 威德之在茲為可信矣鑲板雖已叩行而未經校勘因將古本對證且此
 誤非一遂改證前後凡十餘處庶披覽之際無壅厥意見此題者
 可別訛正 蘇州北禪無量壽院傳 天台祖教沙門淨梵題

永樂大典卷之一萬九千七百三十八

永樂大典卷之一萬九千七百三十八

十一